

مشتاق

مطبعه و محل اداره :

جغال اوغلنده امنيت
صندوغى جوارنده
شنگول يقوشنده
۲۵ نومرو

اضطار :

مسلكمزه موافق آثار
جدیده مع الممنونیه
قبول اولنور

درج ایدلهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاسیاندریه و بالخاصه احوال و شئون اسلامیه بحث ابرو هفته ده بر نشر اولنور .

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

آبونه بدلی

سنه لکی	التی آیانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۸ جمادی الآخره پنجشنبه ۲ خنیزان ۳۲۷

عدد : ۱۴۶

والذی نفسی بیده لایؤمن عبد حتی یحب لایخیه مایحب لنفسه
ویکره لایخیه مایکره لنفسه (وفی حدیث آخر)

المسلم اخو المسلم والله فی عون المسلم ما کان فی عون اخیه. صدق رسول الذی
هو المؤید بسواطع البرهان (الان..). هل جزاء الاخسان الا الاحسان
خطبه بلیغه بک مؤثر بر طور ایله ایراد اولمش ، بعده ینه مشار
الیهک امامتیه فریضه جمعه ادا قلمشدر . جمعه اذان و نماز آره لرنده کی
تکبیرات و تهلیلات مؤذنان شهر یاری طرفندن تلاوت اولمشدر .
خطبه لسان دینی بیلنلر ایچون بر درس ، وجیز و مفید بر
درس تشکیل ایدیوردی ، بیلیمینلر اونک روحانیت و عذوبتیه
جذبه دار ایدیلر .

بوراده بر نقطه یه متوجه ایکی یوز الی بیک مسلمان مرکب
بر جماعت جمعیه ای ایلدی . غلبه لک او مرتبه ده ایدی که جماعت
ارکان صلاوة ایچون مسوغات شرعیه دن استفاده یه ضرورت بولیوردی .
نماز قیلنیور ، روزکار صوصیور ، آغاچار صوصیور ، هرشی کائنات
صوصیوردی . اوراده یالکز بر صدا ، قرآن کریمک تلاوتی
صداسی ، برده (الله اکبر) تکبیریه رکوع و سجود ایدن امامه
۲۵۰ بیک مسلمک اقتفاسندن چیقان بر آهنگ علوی واردی .

نمازک ختامنده صدر اعظم پاشا برابرلنده سرقرین لطفی بکله
ذوات سائر اولدیغی حالده کرسی یه چیقارق :

« ای اهالی !

« سوکیلی پادشاهمیزک ، سوکیلی بابامیزک بعض اراده لرینی تلقی
ایلدیم و یازدم . سزه او قویه جغم ، صوکرده کندیلکمندن بر قاج سوز
درمیان ایده جکم ، دقتله دیکلیکیز ! »

دیدکدن صکره آتیده صورتی محرر بیاننامه هایونی قرائت
ایلدیلر .

بیاننامه هایون

« اجداد عظامندن سلطان مراد خداوندکار غازی حضرتلرینک
« دولتک تشدید مبانی سطوتی اغورنده ترک حیات ایلدیکی مشهد
« مبارکه کله رک خاکپای مبارکینی زیارت ایلدیم . دولت و ملت
« عثمانیه نک تعالی شان و شوکت و تزیاید رفاه و سعادتیه وقف حیات
« ایتک خصوصنده کی عهد و میثاقی بو محل مقدسده تکرار ایتدم .
« (پادشاهم چوق یشا دعاری) حضرت خداوندکار کی بر حکمدار
« معظمک خاطر اتیه مالی اولان بو کوزل قطعه نک کچن سنه قارده شلر
« آره سنده سفک دماء کی بر مصیبتیه او غرامسی نی دلخون ایتشدی .
« فقط بو صرمده یا ککش بر یوله صاپمش اولان بر قسم آرناوود
« اولادیمک پادشاهلرینه و دولت علیه مزه صداقت قلبیه لرندن امین
« اولدیغندن بو احوالی آنلرک جهالتیه و بعض مفسدلرک تشویقاتیه
« قابیلرینه عطف ایتشدم . سیاحتم اثناسنده تبعهم طرفندن کوردیکم
« مائتر صداقت و صمیمیت بو امنیه نک یا ککش اولدیغنی اثبات ایلدی که

« اشبو مائتر اعتماد ایله حادثات زائله دن طولانی مظنون و محکوم اولانلر
« حقنده قانون مخصوصنده مصرح اولان شرائط دائره سنده عفو
« اعلان ایدیورم . (پادشاهم چوق یشا دعاری) و بو کوزل مملکتی
« انواع مصیبتیه دوچار ایدن قان دوکمک عادتک بمنه الکریم بردها
« باش بو سترمه مسی ایچون موجود دیت دعوالرینک کاملاً بتیرلسی
« بی قدرت مدیونلرک ویره جکلری دیتلرک طرف دولتدن تسویه مسی
« ضمننده تخصیصات اعطاسنه دائر اولان قانونده وضع امضایلیورم .
« (پادشاهم چوق یشا) امید ایدرم که بعدما آرناوود اولادلرم
« جمله سی نجات ، قانونه اطاعتده اولدیغنی تقدیر ایدرک کندیلرینی
« بونک خلافتیه سوجه چالیشه جق فسدیه اتباع ایتزلر و قان کوتک
« عادتیه ترک ایله حقارینی شرع و قانونده آرارلر . بو صورتله
« انشالله مرفه و مسعود اولورلر و رضای شاهانه داخلنده بولورلر .
« بن بو خصوصده کی دعانک قبولی جناب حقندن تضرع و نیاز
« ایدرم . » (پادشاهم چوق یشا)

بیاننامه نک قرائتی متعاقب صدر مشارالیه بروجیه آتی ایراد
نطق ایتشلردر :

« شمدی آرناوود قرداشلرم ! بر آزده بنی دیکله یک . بو کون
چوق بیوک بر کوندر . بو قوصوه محاربه سی درکه دولتی روم ایلی ده
یرلشدیردی . بو نقطه ده پادشاهمیز شهید اولدی که خون شهادتی خاندان
سلطنتک آرناوودلغه ابدی بر یادکاریدر . بو کون الله چوق شکر
پادشاهمیز کلپور ، اونی ، کندی جدیدک مشهیدنی زیارت ایدیور .
بو قدر مسلمانی یالکز سنده بر دفعه کعبه ده کورورسکیز . ایشته
بو کون قوصوه صحراسی ایکنجی عرفات اولدی . فقط پادشاهمیزک
دیدیکی کی همیزک کچن سنه کوجزه کیدن برشی اولدی . بو مملکتده
مسلمان قانی دوکولدی . مسلمان مسلمانی اولدیردی . بو اوله جق
شی دکلدی . همیزی محزون ایتدی . مسلمان مسلمانی اولدیرمز .
انشاه بوندن صوکره بردها بویله حال اولماز . بعض جاهلر - اما
هپ پادشاهمیزه صادقدرلر ، دولته جانی ویرلر حتی مجلس مبعوثانده
سویلدم . آرناوودلق پادشاهلرمیزک تاجنک اک قیمتلی بر جوهری ،
بر پر لایطه سی در دیدم . آرناوودلر پادشاهه ، دولته جان ویرمکه
حاضردرلر . (حاضرز صدالری) بونی لاف اوللق اوزره سویلدم ،
الله ایچون بن بویله بیایورم ، بویله جه شاهدیم - بعض فسدیه نک
القا آتیه قانیدیلر .

ارقداشلر ، سزک ایکی قباحته کوزار ، بری جاهلسکیز ، دیکری ده
کیم برشی سویلرسه قانیور ، او فنا آدملره اویورسکیز . دائماً
هر ملتده ایی آدملره واردر ، فنا آدملره واردر . چوق شکر
فنا لر آذر . کیم اولورسه اولسون فنا برشی سویلرسه قانمیکیز .
پادشاهمیزده امر ایدیور ، فنا آدملره اویمیک . بر فنا یوز ایی نی
بوزه بیلور . اونک ایچون بن کلبرده سزه فنا برشی یاپک . دیرایسهم
اما سز لر اونی ایی بیلیورسکیز . خلقی فنا لعه سوق ایدن بیوکلر ،
ای آدم اولماز . فنا لر دائماً کوچوکلر ، کرچکدن بیوک اولان آدم

خلق ایلیکه کوتورند. سزه فنا نصیحتلر ویرنلر یرک دینه کچسون (قهر اولسون صدالری) ایشته اونک ایچون پادشاهمز بیوریورکه، «بن کلدیم، کوردیم، اکلادم که بو حال جاهلکدر، بو ملت بیوک ملتدر.» بو ملت پادشاهمزک اغورینه جانی ویرمکه حاضردر. «حاضرز صدالری، ایشته بویه بیوک بر کونک حرمتنه پادشاهمز امر ایتمیلرکه کچن سنه اولان شیرل اونوتیلسون، خاطرده قالمسون. اوده نه ایله اولور؟ حبسه کیرنلر چیقار، قاچانلر کلور. هرکس چولوغی چو جوغی بولور. بونک ایچون بر قانون نشر اولنیور. بوندن صوکره بر دها انشاء بو مملکتده بویه بر قردهش قانی دوکولدیکنی کورمیز؛ پادشاهمزک ایکنجی بر اراده سی دها وار. بو مملکتده قان دوکمک عادتک ترکی. بو فنا بر شی در: او، اونی اولدیریور، اوتکی بریکنی اولدیریور. بو اولمالیدر. بوکانه الله راضی، نه شریعت راضی؛ نه ده قانون راضی در. بریسی برینی اولدیریور صوکره یوز مسلمان بویوزدن اولیور. بو عادت ده آرتق بتسون بیوردیلر. شمس دی یه قدر بر طاقم آدملر دیت ویره، مشلر. بونک ایچون پادشاهمز «۳۰۰۰۰۰» لیرا احسان ایدیور. (پادشاهمز چوق یشا آوازه لری) اوده پادشاهمزک احسانیدر. قومیسونلر تشکل ایده جک، ایشلره باقیله جق بو دعوالر تمیزلنه جک. بنده سزه ولی نعمتمز افندمزک امرلرینی تبلیغ ایدیورم: فنا آدملره اویمه یک، فنا سوزی دیکله مه یک. شونک بونک سوزینه اینامایک هرشیده قانونه مراجعت ایلیک. نجات قانونده در. بز برلشیرسه قوتلی اولور ایسه کیمسه بزه فایق ایده مز. فقط بویه نفاق وشقاق ایله وقت کچیر، بر بریمری بوغازلیه جق اولور ایسه ق مملکتیمز معاذالله الدن کیدر، قوردلر قوشلر ییر. پادشاهمزک آرزوسی کبی قردهش اوله رق یشایک. بو مملکت ایچو کبی بر مملکتدر. پادشاهمزک دیدیکی کبی اولورسه راحت اولورسکز. خلفه مز افندمز بونمازده سزک ایچون بتون ممالکی ایچون دعالر ایتشدرد. الله قبول بیورسون. (مدید آمینلر) ان شاءالله رفاه بولورسکز. مملکت مرمور اولور؛ حکومتکده مملکتکیزک معموریتی ایچون تصورلری وارد؛ ان شاءالله آز وقتده پک کوزل ایشلر یاپیله جقدر. جناب حق دعاسنی قبول ایدر، راحت اولورسکز.» صدر اعظم پاشانک از تجالاً ایراد ایلدکلری بو ساده. فقط مؤثر فطوق پک بیوک آلفیشلره تلقی وقبول اولمش. «پادشاهمز چوق یشا، زمزمه دعایه سی کنکره آسمانه ایصال قلمه شدرد. ذات شاهانه بیاننامه یی قائماً استماع بویوردکلری کبی صدر اعظم پاشا حضرتلرینک علاوه بیاناتی ده قائماً استماع بویورمشلردرد. آرنادولر ال چیریمایور، پادشاهمز چوق یشا دعالرینی اک تیز سسلرله سویله یورلردی. صدر اعظم پاشا بیاناتی بیتزدکدن صوکره نمازدن اول ینه اوراده مشارالیه مناسرتلی اسماعیل حق افندی حضرتلری پک بلیغ بر نطق دها ایراد ایتشلر و بو دعانک هر فقره سی ایچون بوتون جماعت قلبی بر غلغله ایله آمین خوان اولمشلردرد. بعد سلیمان سودی افندی عموم آرنادولق نامه بیان تشکر ایچون

محفله گلش و «جناب حق عمر وعافیت و شان وشوکت هایونلرینی بی پایان بویورسون. شوکت اسلامیه و عثمانیه ک تعالی سنه خادم اولان قوصوه صحراننده کی غنمات تاریخیه مز نه درجده مبیجل ایسه اشبو صحرایی تشریف قدوم خلافتپناهیلرینک قلوب عثمانیده حصوله کتیردیکی نهایتسز مسرت او مرتبه ده حائر شاندر؛ چونکه جمله عناصرک تأیید اتحادلرینه بادی بر مژده حیاترساندر؛ بناء علیه خاکای شاهانه لرینه عموم آرنادولق نامه عرض تشکرات مستدارانه یه جرأت ایدر، و بوتون افراد ملتک اک خاص دعاسی اولان (پادشاهمز چوق یشا) ورد مقدسنی بو وسیله ایلا ده تکرار ایده رم؛ دیمش، بو دعایه ده عموم جماعت تکرار اشتراک ایتشدرد. بعد شهریار معالی کردار افندمز حضرتلری مشهد مبارکه عزیمتله ایفای راسمه زیارت بیورمشلر و بوملت نجیبه ایچون خاک پاک حضرت خداوندکاردن استمداد واستغاثه ایلمشلردرد. جماعتک بر قسمی موکبی تعقیباً مشهده کیتمشلر و قسم دیکری ده محفل اطرافنده قاهره ایراد اولنان نطقلره ترجمه لرینی دیکله مشلردرد. اولاً عمر ناجی بک، عثمانیلرک بو محترم و ناموسلو خطیبی سوزه باشلامشدر. ناجی بک خلقک بو غلبه لکندن برشی ایشتدیرمک ممکن اولماز دیور، فقط هر طرفدن (ناجی بکی دیکله یه جکدر!) سسلریله مترافق سکوته دعوت صدالری کلپوردی. ناجی بکی متعاقب ارضرومدن سیاحت پادشاهیده حاضر بولونمق اوزره گلش هیئت اعضاسندن بذات، ناظم نظمی بک، اوادای ملی ایله کردلرک سلامنی آرنادولره تبلیغ، کردلرک وطن یولنده اولمک ایچون ایتدکلری تعهدی آرنادولره افاده ایتدی. و آرنادولر؟ بومی آدملر ایچنده نه قهرمان خطیلر وارمش که اوتهدن بری دن تورکجه و آرنادوجه متقابل سلاملر و تحیه لرله حسیاتی جوشدوردی. طریزون هیئتندن صادق بک ایسه: (السلام علیکم) دیبا باشلار باشلاماز بوتون جماعتک برلسانی (وعایکم سلام) جواب صمیمیه یسنی ایراد ایتدی! آرنادوجه یه ترجمه صورتیله برر دفعه دها تکرار ایدیلن بو بیانات مکرر تأمیناته، وطن یولنده کردلر، لازلر، آرنادولر، بوتون عثمانیلر برلکده یاشامق، برلکده مسمود اولمق ایچون مکرر یمانلره وسیله ویردی. صادق بک «آرنادولر، لازلر ویردکلری سوزدن دونمزلر!» دیدیکی زمان تصویری محال عمومی بر ندای تصدیق جوش و خروش ایتمه یه باشلادی. بوراده آق صقاللیلر آغلایور، کنجیلر دوشونیور، چوققلر انتباه ایدیوردی. فیروزیکلی حاجی ابراهیم نامنده براختیار بویکی نطوقی محفل مریدوننده طومش، جماعتک بر آغزدن قاج کره تکرار ایتدیکی: «پادشاهمزک یولنه قربانز، امرینه مه یانز» مأللی هیچ بر خطیبک آکلاته میه جنی برلسان بیان ایله بر کره دها سویله یور، بر کره دها سویله یوردی. بوندن صوکره اولجه تعریف و تصویر اولنان آبدنک صورت مطمئننده وضع اساس رسمی اجرا قلمه رق چادره عودت بیورلمشدر. بر از استراحتی متعاقب جوار رحمت مداد مشهده تأسیسی مقرر

راکب اولمشلر ، ياورلرک بر آز آچيقچيه کيتملريني امروقرمان بيورمشاردي . بر مقدار مزراقلي سوارى آلاي ذات شاهانه مخصوص آرابه نك اوکنده ، آرقه سنده کيتمکده ايديلر .

شهزادگان حضراتيله وکلادن بولنانلر ومميت سنيه ديکر آرابه لرله ذات شاهانه ي تعقيب ايتمکده ايديلر .

ذات شوکتمات حضرت پادشاهي بيوک اونيفورمه لرني لابس و نشان ذيشانلريني حامل ايديلر . شهزادگان حضراتيله وکلاده رسمي اونيفورمه لرني لابس بولنمکده ايديلر .

موکب هايون علمدار غازي ستان حضرتلرينک تربلري جوارنده استحضر ايديان اوتاغ هايون اوکنده توقف ايتدي . پادشاهمزا فدمز حضرتلري برمدت استراحت بيورديلر ، بر قهوه ايجريلر .

بوندن صکره طوغريجه مشهد خداوندکاره منوجها يوله چيقديلر . پادشاه عاليجاه افدمز حضرتلري مشهد خداوندکار جوارنده حاضر لانان چاده کيردکري زمان قدم شاهانه ي مبشر طوبى دالري قوصوه صحراسني طولديريور ، اوچ يوز بيک کشينک « پادشاهم چوق يشا » دعاكري آسمانه چيقيور ، افقلردن عيني مآلده جوابلر آليوردی .

کذرکاه هايونده بولنان سنجاقلري ياري به قدر اينک صورتيله وجيه تعظيم واحترامي ايفا ايديلور ، ذات شاهانه بر اليه آلتون قبضه لي قلنجي طوتيور ، ديکر اليه ده اولادارينه سلام ويرمک صورتيله التفاتده بولنيورلردی . هرقيه نك اوکندن پادشاهم ، افدمز حضرتلري کچرلرکن ارناودلر « عليكم السلام » ديه اعاده سلام ايديلورلر ، متاديا تکبير آليورلردی .

يوز بيکارجه خلعتک يک آواز اوله رق تکبير آلملري غيراختياري اوله رق کوزلردن ياشلر آقنيور ، هرکس بر قوه قدسيه نك الهام اواصرياه بلا اختيار تکبير آليوردی .

مشهد خداوندکارده

ساعت اوچ راده لرنده موکب هايون مشهد خداوندکاره واصل اولمشدی . ذات شاهانه آرابه دن اينه رک کوچک بر تپه اوزرنده اوتاغ هايونلرينه کيرديلر .

اوتاغ هايون مخروطي الشكل ایدی . آلات طرفلرنده صيرمه لي بوسکوللر برر صاج ييغيني کچي صارقيور ، آقنيور ، تپه سنده آي ييلديز بولنيور ، اوزرنده آيات جليله قرآنيه اوونيوردي . اوتاغه دخول هايوني متعاقب اوزرنده بولنان يالديزلي ديرکه ذات شاهانه لرينه مخصوص سنجاق کشيده ايدلدي .

بوراده پادشاهمزا فدمز حضرتلري نماز وقته قدر استراحت بيورديلر . آرنالودلر چاده طوغري ديز چوکرک او طور مشلردی . هرکويک ، هرقيه نك بايراقلري يرلره رکز ايدلمشدی . بايراقدارلر صيرمه لي جيکن ، صيرمه لي جامه دان کيمشلردی .

اطرافده بايراقلر تموج ايديلور ، غايت لطيف بر منظره تشکيل مابعدی کله چک هفتيه

بولنان مدرسه نك وضع اساس رسمي ده ايلک طاش يدمؤيده خلافتناهي ايله وضع بيورملق صورتيله اجرا ايدلمشدر . شهريار علويت شمار افدمز بو وجيه موارف پروري يي ده ايفا بيورددن صوکره اوتاغ هايونلرينه شرف معاودتله شرفصا در بيوريلان اراده کتيمه پروري خلافتناهياري موجب عاليه سنجه عسا کر موجوده عنايه جانبدن مکمل بر رسم کچيد اجرا قلنمشدر .

رسم کچيدک ختامني متعاقب ارکان مأمورين ؛ علما و مشايخ ، محليه ، مبهوثان موجوده ، اتحاد وترقي جمعيتک پرشته قلوي هيئي حضور هايونه قبول شرفيله مشرف والتفات جهاندرجات پادشاهي به مظفهرينه بکام اولمشلردر .

پادشاه شوکت پناه افدمز ساعت اون راده لرنده کردونه هايونلرينه نيهات بخش عز واجلال اولدقلي حالده قصبه ده کي اقامتگاهلرينه اهلينک آقيشلري ، دعاكري آره سنده شرف معاودت بيورمشلردر .

مشهد خداوندکاردن عودتي تعقيب ايدن بوکيجه پرشته قصبه سي نوردن بر لباس کيمشه بکزيوردي . هرطرف دونامش ، هرخانه ترين اولمش ، هرکس شادوخندان ایدی . نواصي اصدقادن لمعان ايدن انوار مسرت فانوسلردن ، قنديللردن ، مشعللردن ياييلان ضيالرله تقابل ايديلور ، پرشته ارضدن سمايه نور صاچيوردي . هله پرشته ليلرک ترتيب ايتدکري قنار آلاي او قدر نظر فريب ، اومرتبه خوش منظر ایدی که آتريف وتصويرنده عجزيمي اعتراف ايتمک طبعيدر .

جناب حق ملتته بودرجه مربوطيت قلييه بسله ين بو امت نجيبه يي دنيا و آخرتده بر مراد بيورسون آمين .

عفو عمومي لايحه قانونيه سنک خلاصه سي شودر :

« ٣٢٦ سنه سنده قوصوه ، مناستر ، اشقودره ديوان حر بلرنجه محکوم ايديان اشخاص حقنده حقوق شخصيه دعواي باقي اولمق اوزره عفو عمومي اعلاان ايديلور . بو عفو عمومينک جرائم عاديدهن طبلایي مظنون ومحکوملره شمولي يوقدر . حقلرنده مدار اتهام اولان احوالي تکرار ارتکاب ايدرلر ايسه جرم سابقلريله برابر محاکمه لري اجرا ايديلاجکدر . بو عفو عمومينک نشرندن اعتباراً بر آي ظرفنده تسليم سلاح ايله حکومتده دخالت ايدن فراريلر دخی عفو عموميدن استفاده ايدمکدر .

اقدام رفيقمزک مغايري بو تاريخي کوني شو صورتله تصوير ايديلور :

مشهد خداوندکاره طوغري

حکومت قوناغي اتصالتده بولنان ايلک مفرزه حرکت هايوني اخبار ايتمشدی . آرتق قيد وايضاح اولنه جق نوطلرمي آلمق اوزره بنده بولنديغم تپه يي براقدم .

پادشاهمزا ، افدمز حضرتلري درت آتلي سلطنت آرابه سنده